

Vintsina via Mukanda Uetu ua Viuano via Muono Uetu Vakua Kilistu na Vipanga Vietu

1-7 YA MARÇO

VUPITE VUA MU LIZI LIA NJAMBI | NU-MELU 7-8

“Vi tu Lilongesa ku Cilombo ca Valsaleli”

**it-1 540 ¶8
Cikungulukilo**

Mu Isaleli, vamiata va kele na ku imanena vantu vintsimbu via vingi. (Ezela 10:14) Ngeci mukemuo, “vamiata va miyati” va hanene vuana ha ntsimbu ya ku kundika ca tavenakulu. (Num. 7:1-11) Cikuavo naua, eci ku tuamenena caco ca kele na ku matangua a Nehemiya omo vasasendote vaLevi na vakuluntu va vantu va hakele citantekeyeso ca “litavasiano lia vucili.” (Neh. 9:38-10:27) Mu vungendzi vua valsaleli mu vindzinda kua kele, vamiata “va ku lukungulukilo vakevo va ku sana ku lukungulukilo, vamala va ku tsimana,” kaha ha kat i kavo ha tundile vamala 250 vaze va lipandakanene na Kola, Ndatane, Avilame, na One mu ku alulukila Mosesa na Alone. (Num. 16:1-3) Kuliya na citume ca Njambi, Mosesa ua hanguile vakuluntu va ku pua 70 mu Isaleli, vaze va puile vamiata linga va mu kuase ku “ambata citeli ca vantu” cize ka hasele ku ambata lika lieni. (Num. 11:16, 17, 24, 25) Levitiku 4:15, ya tumbula vakuluntu va lukungulukilo, kaha ci solo-ka ngue vakevo va kele na ku imanenako vantu mu ku pua vakuluntu, “mitue ya miyati,” vangazi, na misipayi ya cifuti.—Levi. 4:15; Num. 1:4, 16; Yeho. 23:2; 24:1.

**it-3 467 ¶4
Luvene**

Mu cilombo ca valsaleli, vakua moyati ua Luvene va kele ha kat i ka vakua moyati ua

Simeone na Ngande, ku sulu ya tavenakulu. Mu va kele na ku katuka mangendzi, eyi miyati itatu ya kele na ku tuamenena Luvene va kele na ku i kava naua ku miyati itatu ya Yunda, Isakale na Zembulone. (Num. 2:10-16; 10:14-20) Eci ku linoneka, cikeco naua civa kele na ku miyati yose mu ku hana vuana ha litangua li va kundikile tavenakulu.—Num. 7:1, 2, 10-47.

w04 1/8 25 ¶1

Vintsina via mu Livulu lia Numelu

8:25, 26. Linga cipanga ca vuLevi cende vuino kaha nomo lia ku singimika mia-ka yavo, vaLevi va ku kola va va sikile ku lembuka ha vipanga. Vunoni nga va tonde-kele kasi va hasele ku lihana. Vutuhu lelo lino ka tue ku lembuka ha cipanga ca ku ambulula, vunoni tu hasa ku lilongesa via vingi ku vitume viaco. Nga umo Mukua Ki-listu kesi na ku hasa ku puisamo vimo viteli vieni omo lia ku kulupa, a hasa ku lingako vize via hasa kuliya na ngolo yeni.

Vupite vua mu Lutsilielo

it-3 327

Ndala, Muana ua ku Livanga

Mu ku linga vandala mu Isaleli vakevo va kele na ku pua mitue ya masoko nga va na kolo, vakevo va va hanguile mu ku imanena cifuti cose. Kaha Yehova nen i ua tumbuile cifuti cose ca Isaleli ngueni “ndala yange.” Ua ci tumbuile ngoco, omo lia litavasiano lia lingile na Avilahama. (Ezu. 4:22) Mu ku linga Yehova uohielele valsaleli, ua va sikile ku mu lelesela “nkala cuma ci livanga muzimo ha kat i ka vana va Isaleli, na muntu na kasitu.” (Ezu. 13:2) Ngeci mukemuo, vandala vose va puile va Njambi.

8-14 YA MARÇO

VUPITE VUA MU LIZI LIA NJAMBI | NU-MELU 9-10

“Cifua ce ku Tuamenenamo Yehova Vangamba Veni”

it-1 39 ¶6

Cilombo

Ku endesa cilombo ca ku hama ngecize, ku tunda cihela kuya cihela, naco ca muese mu njila ya ku komouesa ngecize Yehova ua va nonekele mu vutongue (Mosesa ua muesa mu Numelu kapitulo 33 ngecize va tulile ha vihela vi kokela ku 40.) Omo liselua lia tualeleleho ku kala helu lia tavenakulu, vantu mu cilombo navo va tua-leleho ku kala ha cihela caco. Kaha nga liselua li na katuka, na vantu va katukile. Ngeci Mbimbiliya nguayo “ku lisiko lia Yehova vana va Isaleli vendele, na ku lisiko lia Yehova va tulile.” (Num. 9:15-23) Kaha va kele na ku pangesa maluneta avali a palata mu ku leka vantu aa masiko a Yehova. (Num. 10:2, 5, 6) Ku sika mu cifua ca kasintsa ca lombolokele ku katuka ca cilombo. Ntsimbu ya katete i va lingilemo, ya puile mu “muaka ua mu civali, [1512 T.K.K.E], ku ngonde ya mu civali, ku litangua lia mu makumi avali.” Mu va katukile ku lutue kua tuamene cikasa ca litavasiano, mu nima yaco kua hatele miyati itatu ya katete, Yunda, Isakale na Zembulone. Mu nima yavo, mua hatele vaNgelesome na vaMelali vaze va ambatele mitamba ya tavenakulu. Kaha mu nima yavo, mua hatele miyati itatu ya Luvene, Simeone na Ngande. Mu nima yavo, mua hatele vaKohate vaze va ambatele vikuata via ndzivo ya ku lela, kaha kua hatele miyati itatu ya Efalimi, Manase na Mbenjamini. Mu ku manusuila, kua hatele miyati itatu ya

Ndane, Asele na Nafatali. Mu ku va noneka mu cifua eci, vivunga vivali via kama kaha via ngolo, vikevio via kele ku lutue na ku ntsongo.—Num. 10:2, 5, 6.

w11 15/4 4-5

**Mue ku Nongonona Vukaleho vua
Muesa ku Tuamenena ca Njambi Ni?**

Vati tu hasa ku muesa ku santsela ku tuamena ca Njambi? Kapostolo Paulu ua handekele ngueni: “Ononokenu kuli vaze va li na ku mi sika, kaha va tavienu.” (VaHe. 13:17) Ku lingamo ka ce ku pua ca casi ntsimbu yose. Ca ku muenako: Lipuisenu ngue umo kalsaleli ku matangua a Mossa. Mu na kala na ku enda mu ntunda ya kama, ngundzi i nemana. Ka mu tantekeya ntsimbu ingahi mu kala ha cihela caco, nga litangua lia mutuntu, simano ni vingonde. Kaha mu lihula nguenu, ‘Vuno nya pande ku zitula vitenga viange viose ni?’ ha katete, halumo mu hasa ku longololako lika vimo vitenga via tondeka cikuma. Vunoni, mu nima ya amo matangua, ku fuatoka ntsimbu yose mu vitenga ci li na ku mi futula, kaha mu zitula honi vitenga viose. Vunoni muze vene mu mu lingila ku zitula njato ya ku manusuila, mu mona ngundzi i na katuka. Mua pande ku putuka naua ku longekeya viuma, muomu vungendzi vu nahi. Mua vusunga ku lingamo ka ca puile ca casi. Vutuhu ngoco valsaleli va pandele ‘ku katuka na ku kava mu nima yalio.’—Num. 9:17-22.

Vati honi tue ku linga nga Njambi a tu leka ku linga vimo? Vuno tua kala na vukatusi vua ku vi linga ni? Ni tue ku tualelelaho ku linga viuma, ngue mu kalingo-lingo ketu ka laza? Vuno tue ku endela hamo na vimamuna via viha, ngeci mua ku tuala ha ku endesa vilongesa via Mbimbiliya, ku ambulila vakua malimi eka ni ku lemesa mu

vusoko ku sua kumo ni? Vuno tue ku likuatasana na Viseketa via Tala via Visipitali na ku muesa vilinga via cili ku viuano via muhato ni? Tue ku muesa naua ku santsela cetu ku ku tuamenena ca Njambi mu ku tava vimamuna. Mu tue ku tondeka ku linga vihangula via kama, ka tue ku kulahela mu mana etu vavene vunoni tue ku tonda ku tuamenena ca Yehova na lukungulukilo lueni. Kaha ngeci mua kanike ue ku tuntila ku visemi nga na mono niondzi, netu tue ku tuntila ku lukungulukilo lua Yehova nga visoti via ku fua ngue niondzi vi tu uana.

Vupite vua mu Lutsilielo

it-1 253 ¶5

Viuano

Seho ya Viuano. Seho ya kala ha ku pangesa vuino vukovelelo vue ku tu hana Yehova vua ku likungulula linga tu kannamese lutsilielo luetu, va i tsindikile ha ciuano ca Pasovala ca nkala muaka. Nga yala ka lizualesele kaha ka ile vungendzi vunoni ka solokele ku ciuano ca Pasovala va pandele ku mu tsiha. (Num. 9:9-14) Omo Muangana Hezekiya ua siki-le vakua Yunda na Isaleli va likunguluile mu Yelusalema ku ciuano ca Pasovala, ua va lekele ngueni: “Enu vana va Isaleli alulukenu naua kuli Yehova . . . katim u kankamese zintsingo zieno, ngue mu va lingile vaisuenu. Vunoni liecelienu [liononuesenu] kuli Yehova, na ku ingila mu ndzivo yeni ya ku lela, i a lelesa ku mia-ka yose, kaha pangelenu Yehova Njambi yenu, linga vutenu vueni vua ku kaluua vu mi fume . . . muomu Yehova Njambi yenu ikeye mukua mema ku mutima na mukua cikeketima, kaha ka li ka fumisa cihanga ceni kuli enu, nga mu hiluka kuli ikeye.” (2 Miz. 30:6-9) Kaha ku likela kuya ku ciuano caco ku cizango ca mueselete vene ha

toma ngecize va vianene Yehova. Vutuhu lelo lino Vakua Kilistu va vusunga ka ve ku linga cilika ca Pasovala, Paulu ua va ma-muine kati va likele ku likungulula ngueni: “Tu liyongolienu ha kati ketu linga tu sangumuke cilemo na vipanga via ku viuka; Kati tu likele ku likungulula hamo, ngue cilika ca vamosi, vunoni ku limamuna vene; na ku hiana cikuma omo mu mona litangua lize li li na ku suena ku hiehi.”—VaHe. 10: 24, 25; talenu CONGREGAÇÃO.

15-21 YA MARÇO

VUPITE VUA MU LIZI LIA NJAMBI | NUMELU 11-12

“Omo lia Vika tua Pande ku Liniunga ku Cimbembesi ca ku Linienieta?”

w01 15/6 17 ¶20

Kati mu pue Vakua ku Halakana na ku Suva

²⁰ Cingi ca Vakua Kilistu ka ve ku uila mu vupangala. Vunoni tua pande ku zangama linga kati tu uile mu cimbembesi ca ku linienieta ntsimbu yose, muomu ku lingamo ka ce kuya Njambi ku mutima. Paulu ua tu mamuna ngueni: “Netu kati tu eseke Muangana [Yehova] ngue omo vamo [valsaleli] ha kati kavo va mu esekele kaha va nongele na manoka aze. Nenu kati mu linienietele ngue omo vamo ha kati kavo va linienietele, kaha va nongele kuli uze mukua ku enieka.” (1 Kolintu 10:9, 10) Valsaleli va linienietele ku tuala hali Mosesa na Alone, kaha na ku tuala hali Njambi vene, omo lia ku va hana manna. (Numelu 16:41; 21:5) Vika via nienguesele cikuma Yehova, ku linienieta ca valsaleli ni vupangala vu va lingile? Mbimbiliya ya muesa ngecize cingi ca vakua ku linienieta va va sumine ku manoka na ku-tsa. (Numelu 21:6) Kaha imo ntsimbu ku nima, kua tsile naua vantu va

tuvakana 14.700 omo lia ku linienieta na lisiño. (Numelu 16:49) Na vuno vene, kati tu eseke lutsilielo lua Yehova mu ku muesa kasahuntu ku viuma vie ku tu hana.

w06 15/7 15 ¶7

Liniungenu ku ku Linienieta

⁷ Mua vusunga valsaleli va alulukile cikuma! Ku vuputukilo, valsaleli mu ku muesa ku santsela cavo omo lia ku va putula ku Ingito ku hitila mu Cisali ca ku Tila, vembilile Yehova miaso ya ku sangaziala. (Ezundu 15:1-21) Vunoni mu va putukile ku pinda na visoti via mu vindinda na ku vuila liova Vakua Kanana, ku santsela cavo ca himpukile ku linienieta. Mu cihela ca ku santsela Njambi omo lia ku va patula, va mu tuikile mulonga omo lia ku limona ngue via vingi via va kambelele. Ngeci mukemuo, ku linienieta cavo ca puile omo lia ku honoua ku mona vukuasi vua Yehova mu njila ya cili. Ngeci mukemuo ua handekele ngueni: “Haiho nji ka kala na ntsintsa na lukungulukilo luno lua lupi, ve ku linienieta nange?”—Num. 14:27; 21:5.

it-1 100 ¶2

Vicoko-coko

Ku Linienieta. Ku linienieta ce ku zeyesa vakuetu na ku va hiluisila mu nima. Mu ntsimbu ya indende lika mu va patukile ku Ingito, valsaleli va linienietele kuli Yehova, na ku paya ku tuamenena ca va hele ku hitila muli vangamba veni Mosesa na Alone. (Ezu. 16:2, 7) Mu nima ya ntsimbu, ku linienieta cavo ca zeyesele cikuma Mosesa mu cifua ca ku linga ua vundilile ku-tsa. (Num. 11:13-15) Ku linienieta ci hasa ku pua vusonde vua kama kuli mukua ku lingamo. Yehova ua muene viose vi va kele na ku linienieta vantu veni ku tuala halii Mosesa, ngue va kele mpundu na ku li-

nienieta ku tuala ha ku tuamenena ceni. (Num. 14:26-30) Kaha vavengi va tsile omo lia ku pua vakua ku paya.

Vupite vua mu Lutsilielo

it-2 748

Manna

Cifua cayo. Manna ya puile ya ku toka “ngue mbuto ya kuentulu” na cifua cayo ngue mbendeliu, kaha naua ngue kalivundungulu ka muenga ua ku likuata. Ku i makela co ngue “tumbolo tua ku panga na vuci” ni ngue mbolo ya ku oca na “mazi a vuovuno.” Kaha va kele na ku i lola mu makina ni ku i tua mu vini na ku i panga vimbolo.—Ezu. 16:23, 31; Num. 11:7, 8.

22-28 YA MARÇO

VUPITE VUA MU LIZI LIA NJAMBI | NUMELU 13-14

“Lutsilielo lue ku tu Puisa va ku Simpa”

w06 1/10 16-17 ¶5-6

Va Simpile Omo lia Lutsilielo na ku Vuila Njambi Liova

⁵ Vunoni vandondzi vavalí, Yehosua na Kaleve, va lavelele na ndzolela ku kovela mu Cifuti ca Cikulaheso. Ngeci na ku simpa cose va handekele nguavo Vakua Kanana “vakevo mbolo yetu; ku-vovola cavo ca va fumu, kaha Yehova ali netu: kati mu va vuile vuoma.” (Num. 14:9) Vuno va Yehosua na Kaleve va puile viheve mu ku viukillila ni? Na limo litangua liahí! Muomu vakevo hamo lika na cifuti cose va limuenene omo Yehova ua nongesele vakua Ingito na ku sahuila vanjambi vavo na Vipupu Likumi. Kaha va muene naua Yehova a nongesa Falao na masualale veni mu Cisali ca ku Tila. (Visa. 136:15) Cili vene, vaze vando-

ndzi likumi na vaze va tavele vihandeka viavo, ka va kele na vusunga vua ku ivua liova. Ngeci Yehova ua mueselete ku vavala ca vuile ku mutima mu ku handeka ngue-ni: “[Mu ntsimbu ya ku pua kulihi] ka va ka nji tsiliela, omo vintantekeyeso viose vi nji na pange ha kati kavo?”—Num. 14:11.

Yehova ua tumbuile mpundu ntsina ya cinta-ga cavo, ni ngueta ku hona lutsilielo, muomu ku hona lutsilielo cikeco ca va lingisile ku ivua liova. Cili vene lutsilielo na ku simpa via likata cikuma, ngeci kapo-stolo Yoano ua sonekelele vikungulukilo ku tuala ha ndzita ya mu lutsilielo, ngueni: “Kaha ku-hiana eci ci vula via ha mavu, cikeco ku-tsiliela.” (1 Yoa. 5:4) Lelo lino, lutsilielo ngeci lua Yehosua na Kaleve lua lingisa muzimbu ua cili ua Vuangana, ku u ambulula mu mavu ose ku Vakaleho va Yehova va ku pua 6 milhōes, vanike na vaku-luntu, vakua mapongo na vakua cihindu ca cili. Citozi na umo uahi na hasa ku holuesa eci civunga ca kama kaha ca ku simpa.—Loma 8:31.

Vupite vua mu Lutsilielo

it-1 644

Cifuti ca Hele Njambi ku valsaleli

Cifuti ca hele Njambi ku valsaleli ca puile mpundu ca cili. Omo Mosesa ua tumine vandondzi va ka livange ku tala Cifuti ca cikulaheso na ku nehako vimo vimbuto viamuo mu ku pua vukaleho, va hilukile na vinkuyu, vilomasi kaha na cindzomia ca vusu-ka vua viniu ca hamene mu cifua ca ku linga ca tondekele vantu vavali ku liambatesaco ha mutiyo. Vutuhu va vuile liova omo lia ku hona lutsilielo vunoni va zimbuile nguavo cifuti caco “cili vene ci hita na mavisi na vuci.”—Num. 13:23, 27.

29 YA MARÇO–4 YA ABRIL

VUPITE VUA MU LIZI LIA NJAMBI | NU-MELU 15-16

“Zangamenu ku ku Lihalesa na ku ku Likulahela Cikuma enu Vavene”

w11 15/9 27 ¶12

Vuno Yehova a mi Tantekeya Ni?

¹² Vunoni, omo valsaleli va kele na kuya ku Cifuti ca Cikulaheso, Kola ua singaniekele ngueni ku tuamenena ca Njambi ca kele na vimo vipenga. Kaha vamo vamala vakua vukama va ku pua 250 va lipandakanene neni mu ku seteka ku sungamesa viuma. Citava Kola na vaze vamala va livuile nge-cize vusamba vuavo na Yehova vua kele vuino. Muomu va lekele Mosesa nguavo: “Enu mua hianamo cikuma, omo luku-ngulukilo luose lu na lele, vose muntu ku muntu na Yehova ali ha kati kavo.” (Num. 16:1-3) Cili vene, ava vantu va likulahelle cikuma kaha va puile vakua ku lihalesa naua! Mosesa ua va lekele: “Yehova a ka muesa veya va na pu veni.” (**Tandenu Numelu 16:5.**) Kaha ku ntsongo ya litangua lia hateleko, Kola na vaze vose va lipandakanene neni mu ku luisa, va nongele.—Num. 16:31-35.

w11 15/9 27 ¶11

Vuno Yehova a mi Tantekeya Ni?

¹¹ Mosesa na Kola va lisezele cikuma ku tuala ha ku muesa kasingimiko ku ku tua-menena ca Yehova na vihangula Vieni. Cifua ci va kele na ku muenamo viuma ca likuatele na cifua ca vi muenenemo. Kola ua puile kaLevi ua ku cikota ca vaKohate, kaha ua kele na vivezikiso via vingi, cimo cavio citava ca puile ku mona Yehova ovo-la valsaleli ku Cisali ca ku Tila, ku kuasa Yehova mu ku hisa valsaleli vakua lisino ku

Muncinda ua Sinai, kaha ua kele na mutamba mu ku ambata cikasa ca litavasiano. (Ezu. 32:26-29; Num. 3:30, 31) Citava ua pangelele Yehova mu miaka ya yingi, ngeci cingi ca valsaleli va mu singimikile.

Vupite vua mu Lutsilielo

w98 1/9 20 ¶1-2

Tuamekenu Viuma via Hiana Seho mu Muono!

Yehova ua muene cimpande caco ku pua ca seho ya kama. Mbimbiliya nguayo: "Kaha Yehova ua handekele na Mosesa ngueni, Yala uze mu ka mu tsiha cili vene." (Num. 15:35) Omo lia vika Yehova ua nie-nguele cikuma na viuma via lingile uze yala?

Vantu va kele na matangua 6 a ku linga viose vi va tondele ngeci mua ku tiava vikuni ku tonda via-ku-lia, vuzalo na cihela ca ku kala. Vunoni litangua lia mu citanu na avali va pandele ku likundika ku viuma via mu lutsilielo. Vutuhu ka ca puile vupi ku tiava vikuni, vunoni ca puile vupi ku panga-sa ku viuma vieka, ntsimbu ya pandele ku tuala ku ku lemesa Yehova. Vutuhu Vakua Kilistu ka va kele naua muintsi lia masiko a Mosesa, mua vusunga, ou muzimbu ua tu kuasa ku haka viuma mu cihela cavio kuliya na seho yavio!—Fili. 1:10.

5-11 YA ABRIL

VUPITE VUA MU LIZI LIA NJAMBI | NUMELU 17-19

"Yange . . . Nji Vusuana Vuove"

w11 15/9 13 ¶9

Vuno mua Puisa Yehova ku Pua Vusuana Vuenu Ni?

⁹ Aci singaniekenu hali vaLevi vaze va ka tambuile vihela ku pua vusuana. Mu ku li-

nga va tuamekele ku lemesa ca ku lela mu muono, va pandele ku kulahela muli Yehova a va hane viuma viose via va kambelele. Kaha ua va lekele ngueni: "Yange nji mutamba uove na vusuana vuove." (Num. 18:20) Vutuhu lelo lino ka tue ku pangela ku tembele mpundu ngeci mua vasasendote na vaLevi, tu hasa ku tambu-luisa lungano luavo na ku kulahela ngecize Yehova a ka tu hana viose via tu kambe-la. Lukulahelo luetu ngecize Njambi a tu hana viose via tu kambela, lu tualelelaho ku tondeka cikuma omo tuyu na ku suena cikuma-kuma ku matangua a ku kotokela.—Ku-So. 13:17.

w11 15/9 7 ¶4

Yehova Ikeye Vusuana Vuange

⁴ Ku tava Yehova ku pua vusuana vuavo ca lombolokele vika? Yehova ua va lekele ngueni ue ku puile vusuana vuavo mu ku va hana civezikiso ca ku mu pangela mu cifua ca ku lifuila. Ni nguetu "vusase-ndote vua Yehova vukevuo vusuana vuavo." (Yeho. 18:7) Numelu 18:20 ya muesa ngecize evi via va puisile vihutu. (**Tandenu Numelu 18:19, 21, 24.**) VaLevi va pandele ku va hana "cimo ku likumi ku viose via mu Isaleli mu ku pua vusuana vuavo, ngue ku hiluisa ku vipanga vi va panga." Va pandele ku tambula 10% ya vimbuto na vimuna va valsaleli. Kaha vaLevi va pandele ku lambula cimo ku likumi "ku vize viose via hiana ku viuka" mu ku kuasa ku cipanga ca vusa-sendote. (Num. 18:25-29) Vasasendote va kele na ku va hana naua 'vikombelo via ku lela' vi va kele na ku neha valsaleli kuli Njambi ku cihela ca ku mu lemesela. Ngeci mukemuo, vaze va kele mu cipanga ca vusa-sendote va kele na vusunga vua cili vua pandele ku va lingisa va kulahele ngecize Yehova a ka va hana viose vi ka va kambe-la.

Vupite vua mu Lutsilielo

g02 8/6 14 ¶2

Muongua—Cuma ca Seho ku Vindzivo

Muongua ua puile nuaa citantekeyeso ca ku kola na ku simbula ca viuma. Ngeci mukemuo litavasiano lia ku miaka yose va kele na ku lisana nguavo “litavasiano lia muongua,” kaha vaze va lingile litavasiano liaco va pandele kulia hamo lika via-ku-lia via ku tova na muongua linga litavasiano liaco li putuke ku panga. (Num. 18:19) Kuliya na Masiko a Mosesa, vikombelo via ha mutula va pandele ku vi tova muongua, mu ku muesa ngecize vikombelo viaco ka via pandele ku vola.

12-18 YA ABRIL

VUPITE VUA MU LIZI LIA NJAMBI | NUMELU 20-21

“Niungenu ku Konkama Cenu nga Muli mu Ntsindiye”

w19.02 12 ¶19

Lengeyenu ku Konkama Linga mu ye Yehova ku Mutima

¹⁹ Nga tu pua va ku konkama ka tu ka sevuka ku sua kumo. Tu ci hilulenu nuaa hali Mosesa. Ua puile ua ku konkama mu miaka ya yingi na ku ya Yehova ku mutima. Vunoni, ku vumanusuilo vua miaka 40 i va kele na ku endangana mu zindinda, Mosesa ua sevukile, ka puile nuaa ua ku konkama. Mukuluntu ueni ua mpuevo, citalava uze mpundu ua mu ovuele ku vunike mu Ingito ua tsile, kaha va mu tsindile ku Kandese. Ha ntsimbu yaco nuaa valsaleli va kele na ku linienga nguavo ka va kele na ku va niunga vuino. Kaha va “lizungile na Mosesa” muomu ka kua kele mema. Vutuhu Yehova ua lingile vikomoueso via vingi

ku hitila muli Mosesa, kaha Mosesa neniu ua va tuamenene na ku lihana cose, vantu kasi va liniengele (ni ku liyeya). Ka va liniengele lika omo lia mema vunoni omo lia Mosesa, ngue ikeye honi ua kele na mulonga ua mpuila i va kele na ku ivua.—Num. 20:1-5, 9-11.

w19.02 13 ¶20-21

Lengeyenu ku Konkama Linga mu ye Yehova ku Mutima

²⁰ Omo lia ku hianesamo ku tenuka, Mosesa ua zimbalesele ku konkama ceni. Mu cihela ca ku handeka na lutsilielo ku livue, ngue muze mua mu tumine Yehova, Mosesa ua tenduokelele vantu na ku lizumbangeya ikeye ivene. Kaha ua vetele luvali ku livue ngeci mua tundile mema a engi. Omo lia ku lihalesa na ku tenuka cikuma Mosesa ua vulumuine. (Visa. 106:32, 33) Omo lia ku honoua ku konkama, Mosesa ka va mu tavesele ku kovela mu Cifuti ca va Kulahesele Njambi.—Num. 20:12.

²¹ Tu hasa ku lilongesa via vingi ku muzimbu ou. Ca katete, tua pande ku linga cose linga ku konkama cetu ci tualeleleho. Nga tu likela ku ci muesa, ambe mu kantsimbu kamo, tu hasa ku pua vantu va ku lihalesa kaha tu hasa ku putuka ku handeka na ku linga viuma via vuheve. Ca mu civali, ku uma mutima ni nguetu cihonda ci hasa ku zeyesa kapandi ketu. Ngeci mukemuo, tua pande ku linga cose tu pue vakua ku konkama, ambe nga tu hita mu vukalu.

w09 1/9 19 ¶5

Ngazi ua Kaniama mu ku Hakuila Yusunga

Ca katete, Njambi ka lekele Mosesa a ka handeke na vantu, cikuma-kuma ku va tumbula ngueni vakua vimpata. Ca mu civali, Mosesa na Alone ka va hele kavumbi kuli Njambi. Muomu Njambi ua va lekele ngueni

‘ka va mu lelesele.’ (cinimbu 12) Mu ku handeka nguavo “tu ka mi fumisila mema,” Mosesa ua muesele ngue ikeye na Alone vakevo ve ku lingile cize cikomoueso kati Njambi. Ca mu citatu, kasitiku ka va hele ka ka lisezele na kaze ka hele ku valsaleli va muesele lisino ku nima, ni nguetu Mosesa na Alone navo ka va pandele ku kovela mu Kanana. (Num. 14:22, 23) Ca mu ciuana, Mosesa na Alone va puile vantuamena va Isaleli. Ngeci mukemuo, vakua viteli via kama ve ku tambula naua kasitiku ka kama.—Luka 12:48.

Vupite vua mu Lutsilielo

w14 15/6 26 ¶12

Vuno mue ku Mona Vuzeye vua Vantu Ngue Mue ku vu Mona Yehova Ni?

¹² Ha vintsimbu viose evi, Yehova ka hele kasitiku kuli Alone mu ntsimbu oyo vene. Vunoni ua nongonuene ngecize Alone ka puile muntu ua ku vihia ni ikeye mukua mulonga ua kama. Ci soloka ngue Alone ua tavesele ntsimbu na ntsindiye ya vakuavo vi mu tundise mu njila ya cili. Vunoni, mu va mu konkele ha vipenga vieni, ua litavelele visevuka vieni na ku hakuila vihiso via Yehova. (Ezu. 32:26; Num. 12:11; 20:23-27) Yehova ua hanguile ku tuala mana ku lutsilielo na ku aluluka ca Alone. Mu nima ya vihita via miaka, Alone na vakua mbuto yeni kasi va va vulukile ku pua vakua ku vuila Yehova liova.—Visa. 115:10-12; 135:19, 20.

19-25 YA ABRIL

VUPITE VUA MU LIZI LIA NJAMBI | NUMELU 22-24

“Yehova ua Himpuale Cisingo ku pua Civezikiso”

bt 53 ¶5

Ku Ambulula ‘Muzimbu ua Cili ku Tuala Hali Yesu’

⁵ Ngeci mua ku sekulu ya ku livanga, ku luisa vangamba va Njambi ka cemikile cipanga ca ku ambulula. Ku kakateya ku sua kumo Vakua Kilistu ku nungulukila ku cihela ceka, cipue mu kamenga ni mu cifuti ceka mpundu, ci na kuasa lika muzimbu ua Vuangana u hete ku vihela viaco. Ca ku muenako, mu Ndza ya mu Civali ya Mavu Ose, Vakaleho va Yehova va hasele ku hana vukaleho vua ku komouesa mu Vimpaka via vipanga via kayando. Umo ka-Yundeya ua uaneneko Vakaleho va Yehova ua handekele ngeci: “Ku simpa ca Vakaleho va Yehova va kele mu cimpaka ca nji hele vusunga ngecize lutsilielo luavo lua puile lua mu Mbimbiliya mpundu, ngeci nange hetele ha ku pua umo uavo.”

it-2 717

Ku Zaluka

Ku Zaluka ca ku Luisa Yehova. Kapolofeto Mbalame ua muesele vuheve vua kama mu ku seteka ku singa Isaleli linga va mu fuete kuli Muangana Mbalake ua ku Moave, vunoni Yehova ua sakuluile cisingo caco na ku vindika vutumbe vuaco. Kapostolo Petulu ua sonekele ku tuala hali Mbalame ngeci “cimulu ke ku handeka, ua handekele na lizi lia muntu kaha ua vindikile vuazaluke vua kapolofeto” Mu ku tumbula vuazaluke vua Mbalame, Petulu ua pange-sele lizi lia ciNgelengu pa-ra-phro-ni'a, lia lomboloka ku “liangana.”—2 Pet. 2:15, 16; Num. 22:26-31.

Vupite vua mu Lutsilielo

w04 1/8 27 ¶2

Via Tsimana mu Livulu lia Numelu

22:20-22—Omo lia vika vutenu vua Yehova vua suamenene Mbalame? Yehova ua lekele kapolofeto Mbalame ngecize ka pandele ku singa valsaleli. (Numelu 22:12) Vunoni Mbalame ua ile na vamala va Mbalake na vutumbe vua ku ka singa vene valsaleli. Mbalame ua tondele kuya Muangana vua Moave ku mutima linga a mu fuete. (2 Pet. 2:15, 16; Yun. 11) Ambe vene mu va mu kakateyele ku vezikisa Isaleli, Mbalame kasi ua tondele kuya muangana ku mutima mu ku mu mamuna a pangese vampuevo vakua ku lemesa mbale va sua-ngeleye vamala va mu Isaleli. (Num. 31: 15, 16) Ngeci mukemuo, Yehova ua tenuki-le na uze kapolofeto omo lia ku ndungula ceni na lizangamena.

26 YA ABRIL-2 YA MAIO

VUPITE VUA MU LIZI LIA NJAMBI | NUMELU 25-26

“Vuno Muntu Umo a Hasa ku Aluluisa Viuma Ni?”

Ivs 118 ¶1-2

“Tinenu ku Vupangala”

MUKUA ku tsisha vantsi nga a tonda vantsi va cifua cimo ue kuya ha cihela ci ve ku kala. Kaha a hangula ndulo, a haka ku kalovo na ku mbila mu mema. A lavelela noho sasampi (mbimba) i pinda, kaha a sampulula.

² Vantu navo citava ku va kuata mu cifua oco. Ca ku muenako, valsaleli va kele ku viana via Moave, tele va lingila ku heta mu Cifuti ca Cikulaheso. Muangana ua Moave ua kulahesele umo yala Mbalame vimbongo via vingi nga a singa Isaleli. Mbalame ua honouele ku va singa, vunoni ua uane-ne njila ya ku lingisa valsaleli va likokele

cisingo vakevo vavene. Ua hanguile vuino nguna. Ua tumine vana va vampuevo va ku Moave va ka kokueye vamala va Isaleli ku vupangala.—Numelu 22:1-7; 31:15, 16; Ku-Solola 2:14.

Ivs 119 ¶4

“Tinenu ku Vupangala”

⁴ Vika via lingisile valsaleli vavengi ku uila mu ceseko ca Mbalame? Muomu va kele na ku singanieka lika ha masungu avo, kaha va suvile viose via va lingilile Yehova. Valsaleli va kele na vusunga vua vuingi vua ku muesa lukakatela kuli Njambi. Ua vovuele ku vundungo ku Ingito, ua va hanene via-ku-lia mu vindinda, ni nguetu mu likongola na ku va hetesa vuino ku vukovelelo vua Cifuti ca Cikulaheso. (VaHevelu 3:12) Vuttuhu Yehova ua va lingilile viose evi, kasi va lingile vupangala. Ngeci kapostolo Paulu ua tu mamuna ngueni: “Netu kati tu linge vupangala ngue vamo ha kati kavo va lingilemo, kaha va lundumukile tangua lia ngongo.”—1 Kolintu 10:8.

Vupite vua mu Lutsilielo

it-3 694 ¶7-8

Nginga

Ci soloka ngue ku tepela vihela ku miyati ca hitukilile ha viuma vivali: Ku taha ca kele na ku muesa lika cihela ci u tambula muyati, ngeci mua ku vucelo, ku vutokelo, ku mavanda cipue ku cihava, ni ku cana ci-pue ku mincinda. Mu ku linga cihangula caco ca tundilile kuli Yehova na umo muyati uahi ua liveyelele via ukuavo ni ku lihoya nauo. (Visi. 16:33) Ku hitila muli evi, Njambi ua tuamenene naua nkala muyati linga via polofetele Yakomba tele a lingila ku tsa, vi lipuisemo ku tuala ha miyati, ngue mu ya muesa Njenisisi 49:1-33.

Mu nima ya ku tantekeya vihela via nkala
muyati ku hitila mu ku taha, kua tondekele
honi ku tantekeya nginga ya nkala cihela.
Evi va vi puisilemo ku hitila mu Cuma ca
mu civali: vukama vuaco kuliya na muyati.
Mbimbiliya nguayo: “Mu ka suana cifuti mu
ku litahela ngue ku vikota vienu; kuli vaze
va vengi mu ka hana vusuana vua vui-
ngi, kuli vaze va vandende mu ka hana
vusuana vua vundende: kuose ku va na
hanguila muntu mu ku mu tahela kukekuo
kua ka suana.” (Num. 33:54) Ku taha ce
ku hanguile lika cihela mpundu, vunoni vu-
kama vuaco ve ku tavuile kuliya na vukama
vua muyati. Ngeci mukemuo, mu va mue-
ne ngecize cihela ca Yunda ca hamene ku
hiana muyati uaco, va tepeleko umo muta-
mba na ku u hana ku miyati ua Simeone.
—Yeho. 19:9.

